

三

三子入上
三子入上
困學齋雜錄壹部
計壹本



因學齋雜錄

劉道原曰大江之南前代要服舜禹南巡崩不
遠矣禹非不尊敬舜也啟非不孝於其父也
時事在乎廟貌魂氣則無所不之也秦漢而
下崇在墓祭違經棄禮遠事尸柩難以語乎
理矣

李正方腹中有鱗甲諸葛亮謂腹中有鱗甲者
但不犯耳

許褚長八尺餘大十圍馬超問太祖曰公有虎

侯者安在軍中以精有力如虎而痴是以起
問虎侯

任城翟慶之云在東平時南王子澗從容問揚
叔能之詩於止軒先生先生曰叔能蚤年詩
名藉甚初入京時如空村謠甘羅廟諸作揚
趙諸公極口推許及自關中還所作滄不可
讀大凡作詩作文但撒手調脚便壞了

劉祭酒雲震以酒自晦常有東宮千秋節應教
詩云一年一度到青關每到青關盡醉歸絕

勝杜陵驢背上朝回日：典春衣又訪杜仲
梁不遇云壯節文章今老成而今何况白頭
生牧之賦壘今勅敵甫也詩壇舊主盟舌在
儘從陵谷變氣高常壓海山平東湖花草西
湖月不管文園舊長卿游子明尹大興公為
字樣索詩即席賦浣溪紗粉署含香舊有名
庖刀試手便崢嶸并州人物未飄零父老共
傳新政好兒童都道長官清十分和氣滿春
城春寒云東風連日暗塵沙二月邊城草未

茅燕子不來庭院悄定啣春色入誰家公常
游東平嚴彥祖饒東湖亭者請賦長短句即
席作太常引東湖亭下簇金鞍四座浹清歡
人物畫中看只枉了剗卽髮斑花枝裏柳酒
盃漱灑全不放春開綠竹舊東山暢好個風
流謝安都城元夜念奴嬌景龍天氣正餘寒
料峭薰幙萬斛金蓮光不夜香滿雲間樓閣
金鏡頻歎繡簾高揭應為黃昏約霜娥無恙
喚人依舊飄泊却恨烏兔無情把人青鬢白

恁是：却千古繁華行樂地誰咲誰歌誰酌
北海樽壘東山絲竹夢裡揚州鶴客憲無寐
故人誰念蕭索得薦不遇太常引耽：九虎
隔重關到天上却空還回首謝塵寰問今日
誰人姓韓瓜田蔬圃竹溪松徑何地不堪開
且莫問長安比蜀道元來更難跋算戚扣角
蜀老眼紛：睇戟塵十年無路覓通津一聲
白石功名下輸與齊東扣角人
前宋士人山行於絕壁人跡不到處見有題詩

者云鳴梢疊葉嚮曉。枕底寒聲為客留野
鶴不來山月墮獨眠滋味五更秋少前遇髯
人坐大石上意其為詩者欲前揖忽不見余
謂仙人亦有未能忘情者邪

陽羨驛舍壁上記漁家傲不知何人作日月無
根天不老浮生總被消磨了陌上紅塵常撲
撲昏復晚一場大夢誰驚覺

輕諾似烈而寡信多易似能而無效進銳似精
而去速訢者似察而事煩訢者似惠而無成

面從似忠而退違此似是而非者也亦有似
非而是者大權似姦而有功大智似愚而內
明博愛似虛而實厚正言似訢而情忠大察
似明而非御情之反有似理訟而實難
別也非天下至精其孰能得其實故聽言信
類或失其真詭情御反或失其賢。否之察
實在所依是故觀其所依而似類之實可知
也

詩人徽舉字彥舉陝人性嗜酒工於詩客京師

十餘年竟流落而死有詩集行於世今得遺
詩數篇信手錄之無題云誰家金鴨煖梅魂
綉戶春風半掩門桃葉等閑留暮雨梨花寂
寞過黃昏盤：鸞髻堆雲影澹：蛾眉掃月
痕常似謝家銀燭底鳳凰釵影落瑤尊記夢
云千里峭函楚客行關河西上鐵牛城申湖
亭下月初上召伯堂前草自生十里杏園紅
雨晴一條春水碧羅平覺來半壁寒燈底吹
落風簷暮雪敲過沙井云沙沉石馬廢城秋

劍鉞寒生古戍樓平日只疑無蜀道此行何
處問荊州山連海塞從西斷水界龍荒盡北
流一曲商歌才夜半歎風吹雪滿牛頭遊香
山云石棧天梯落日紅誰開青壁削芙蓉捫
參歷井來何暮佩玉鳴鑾更不逢僧去古潭
雲渡水鶴陰清露月平松世間骨相誰潘闌
候打金陵半夜鐘潘闌詩云頑童起暖貪送
春睡忘却登樓打曉鐘送
郭祐之云南口青山北口雲天涯何地又逢
君陌頭楊柳西行馬盡角三鼓不忍聞

中朝名士有以木菴陪針實太師陪針王狀元
陪口作三陪圖徵詩當代名勝為一矧者鹿
庵先生題云寺主善為無米粥病人要喫沒
錢針皇都詩老多才思收拾寒酸入笑林或
云始圖者太保公也

江漢先生趙復字仁復武昌之役始初渡江時
寄皇甫庭云寄語江南皇甫庭此行無慮隔
平生眼前謾有千行淚水自東流月自明又
自遣詩云醉乘鸞馭到仙家彩筆雲箋賦落

霞老去空山秋寂寞自鋤明月種梅花人甚
稱之

呂龍山與趙虎岩齊名平生多佳句夏日道中
一絕句曲盡田家夏日之趣寒花初落路塵
香燕掠麻池乍頡頏一片雲陰遮十頃賣瓜
棚下午風涼

杭士王子慶收西域圖關中令畫褚河南書冊
青翰墨信為精絕意當時所畫甚多今止存
四圖前史皆逸而不書今錄於此附圖者蜀

郡西北二千餘里即漢之西南夷也有嘉良
夷即其東部所居種姓自相率領土俗與附
國同言語少殊不相統一其人並無姓氏附
國王字宜僧其國南北八百里東西千五百
里無城柵近川谷傍山險俗好復讎故壘石
為巢而居以避其患其巢高至十丈每級丈
餘以木隔之基方三四步巢上方二三步狀
似浮屠於下級開小門從內上通夜必閉關
以防盜賊國有二萬餘家號令自王出嘉良

夷政令繫之首帥重者死輕罰牛人皆輕捷
便擊劍用矛漆皮為甲弓長六尺以竹為弦
妻其群母及嫂兒弟父兄亦納其妻好歌舞
鼓簧吹長笛有死者無服制置屍高杖之上
沐浴衣服被以羊甲覆以獸皮子孫不哭帶
甲舞劍而呼之我父為鬼所取我欲報冤殺
鬼其餘親戚哭三載而止婦人哭必以兩手
掩面死家殺牛親屬以猪酒相遺共飲啖而
瘞之死後十年而大葬

鄭畋與盧攜爭高駢請公主下嫁南蠻事携怒
拂衣去裾蟻於硯因抵之帝以大臣爭口語
無以視百官乃俱罷

兩浙都轉運使庶希貢中統初平章公之弟累
官至正議大夫余在運幕知公最詳公于閑
人讀書略通大義尤喜讀易為人沉靜寡言
樂善有守至元二十七年七月末旬下血適
其兄叅政公以事來杭八月八日疾革沐浴
易衣冠而逝家人舉哀久之忽擡手止哭者

起坐謂其兄叅政公曰吾與兄生同胞相離
十餘年今幸遇會于此謂必能承事顏色接
杯酒之歡數月而別豈期一病至此今將永
訣兄能無一杯相餞乎時久不飲酒叅政公
手斟酪漿一杯飲之且謂曰吾父母去矣大
兄去矣五弟六弟去矣吾三人年各五十之
上死不為夭勿以妻子之故亂汝身後汝之
妻子吾竭力以恤之汝去之後吾繼汝去矣
公首肯又囑其弟端夫端問及其子可忠等

勉以忠孝促令轡馬既告辭後卧而逝身後
家無一錢行臺賜楮幣五十疋乃歸中山
福州之俗冬至設醮以為引新死者見共袒如
古禮祔廟許公度說中統間左相安童嘗問
魯齋釋老之說先生曰某未嘗讀其書不知
其說又問張耀卿魯齋教人讀小學其說如
何耀卿云某自幼時知童蒙如入學便讀孝
經此時小學未行于世小學乃是禮經摘出
非全經不足學左丞張仲謙從旁對曰小學
之書專載童子當為之事若孝經曾子尚云
參不敏何足以知之况童子乎又云魯齋欲
興國學教國朝胄子可謂知本

閑、宿三草寺詩云何年觀佛月天子各以寶
華樓閣居為問上方銀世界不知有此夜寒
無

馬德昌攷米元章書及自寫真并贊云四明從
事晉陵錢君世系字延叟過襄陽米芾曰昨
送季濟明渡江與汪行之復會蕭閒堂已撤

日學錄
幕壁間有君像而題曰權杭州觀察推官米元章像揚之儀筆揚之傑贊曰君子之友小人之讎以人方人叔度宜儔余以袖掩字而問行之曰誰歟行之曰君也僕為檢同氣德友識面三編無二君名姓嗚呼古人論世取友同世哉世復有三君子者觀文殿學士王公韶字子純樞密直學士劉公庠字希道則僕竟不識其面選人蔡君肇字天啟於相知間語僕者素心腹者云得僕於王荆公蓋僕

於元豐六年希道金陵從事之辟會公謫君始識荆公於鍾山間公門有數後進喜爭名而相非又記以長者之言也如天啟樂道人善者一人而已僕老矣不知一蔡二揚行能識面因延叟之語發歎并記其事於家集中以貽子孫嗚呼仕關求進之路則世人之邪說大行紛々不求己而非人豈其本心實利之誘然今樂善君子一何多耶彼口不道忠信捷々而惡之人翩々而自喜默々懷奸歲

愚竊：掩人之善，咄：自標置者，得不少悅乎？既序其事，因系以詩。誰起蕭間堂，園翫凡醜質。昧：豈我思有懷，斯士吉吾生。終不遇二陵，已相失。苟養走四方，公卿更絕跡。向我交漸稀，背憎十六七。豐吾九畹蘭，任汝滿地棘。我豈蕭閒人，偶然得空壁。美哉何方彦，精絕入妙筆。君不愧，顧長康。取媚桓溫圖，九錫我不愧。孟浩然，緩策京山過。摩詰前此交，道久不康紛：白頭多不卒，嗚呼紛：白頭多。

不卒回首此君應，辟易。

山谷與秦少章書云：北在告熱，讀所惠詩卷，如公闢祭文語氣，詩句極有風裁，可喜。合處便似吾少游語，然恨在遺詞，病在骨氣。耳古之聞道者，請問治天下，則對曰：去汝鄙人也。何問之不豫也？文章雖未學，要須茂其根本，深其淵源，以身為度，以聲為律，不加闢鑿之功，而自寵深矣。公誠以此言為可，猶有一物為公道之二十年來學士大夫有功於翰墨者。

為不少求其卓爾名家者則未多蓋嘗深求其故病在欲速成爾夫四時之運天德也不能即春而為冬斷可識矣冰自屈訪遠故反此更占之大方之家有所聞見幸見教此帖語在力筆

蘇滄浪帖云草書把筆離紙三寸取其指寬掌平虛腕法圓轉則飄縱之體自絕出耳

米帖朱雀橋南萬井烟輪蹄不放草芊：天街惟有新楊柳雨色春容占一年唐中書舍人

杜牧之能作此語宋中書舍人薛道祖能作此語清連老令不勝降嘆遙中得書筆當付便分非遙可附九月與鰲同到耳

七里村一變四穗兩岐不可勝數豐年上瑞自人和上澤汪洋似海波海角嘉年猶四方和氣不勝多即事人和訟簡契疎懷穰理文漪世少偕龍吼惠風傳玉壘露瀼寶月乞銀淮
姜公勝相崇三果袁守靈丹健百骸夏木陰森三十畝夢回午陰罩山齋

秘書郎喬仲山云至元十年自以東曹掾出使
延安道出鄜州土人傳有杜少陵骨在中者
因往觀之石出州市色青質堅樹於道傍中
有人骨一具跣坐若生而成者與石俱化以
佩刀削之真人骨也

士大夫家杖得呂中穆公願浩訓姪帖云予自
寒苦起家平生仕官赴公盡瘁不敢辭難致
仕將相姪擢因祖先積慶得此一命須為門
戶為嫡母二幼自意守官如後

一勤廉為仕宦勤則上位必見喜廉則吏
人自是差服

一事監司知通極恭與同宦極和

一慎言語不可輕發一談

一寡戲咲不可容易玩狎

一勿飲酒

一不可令市買在務未經稅之物

一其他一：畏慎

紹興三年正月初五日上押付擢

子貢好廢舉與時轉貨列氏注云廢謂物貴而
賤之舉謂物賤而買之與時謂逐時轉貨謂
轉貴收賤也

越人王修竹所藏雪竇禪師真跡詩云有無盡
是兩頭語諸祖因茲不立言末代兒孫刊戶
牖一花五葉失其傳永嘉維問曹溪路畢竟
惟明自己禪根器警敏誠難遇鑿透高原始
反泉末用封字印是曾入雪竇家有韓宗
古敏甫時邦美朱伯原吳邦獻王元直周仁

熟對子常白蒙亨章致平王子助霍靜之紹
聖四年跋張浮休偈云雪竇傍邊又生孔北
邛山下千塚萬塚兔角龜毛竟得何用子細
尋思不如珍重米元章云一幅昏已半已空
何人重出自為工從茲萬偈并千頌擾亂春
風卒未窮

江浙行省掾高仲器收白芍藥一軸景祐元年
十月七日高平范仲淹題詩其上云桐廬方
正父家藏唐翰林畫白芍藥子來領印事因
獲一見感嘆久之而題二十八字治亂興衰

甚可嗟徒憐水調素榮華開元盛事今何在
尚有霓裳寄此花

楊叔能事言補詞氣不甚平和爭辯譏罵居多
今錄數事於此

人不讀儒書以變化之無良師友以教益輔成
之雖年至七十亦無異於十五六之時也但
髮白面皺耳

密州趙德正云泰山如坐嵩山如卧華山如立
火葬天下之至慘也人子不學達聖人之訓為

時世所移惻然為之父母何罪歿而遭大戰
嗚呼冤哉嗚呼痛哉老氏釋氏吾有取乎曰
有老氏吾取其佳兵不祥釋氏吾取其戒殺
京兆分司判御史請予作寶壁詩云誰言河水
濁鳴鏑約秦境官軍開如蟻城守申嚴擊實
壁一匹夫欲汲因短綆慷慨願自效行臺可
其請從徒二十八設伏獨圍靜邊騎百蹄翻
倏來恣電影勇士貴一決猶隳失馬猛賞功
不踰日蕭鼓喧市井英風激表裏期以倍淩

冷

平生交遊贈余詩者多矣惟錫京叔二篇嘗吟
味之憶昔逢君北渚秋藕花香裏醉輕舟三
年一別空回首千里相思更倚樓明月不隨
春物老碧山長帶暮雲愁天平松竹黃華水
早晚柴車得共遊思君一日如三載兩寄詩
來慰我心塵土愈知人世隱風烟遙見海門
深貧來咲我常癡坐亂後憐君更苦吟歷下
亭前春水闊扁舟何日重相尋

素菴以六忍寧心澄慮消禍致福一曰忍觸二
曰忍辱三曰忍惡四曰忍怒五曰忍忽六曰
忍言

飲食以三十口為平過則為多不及為將病此
不知出處當考

古甲子

十干

著雍	戊	開逢	甲
屠維	己	旃蒙	乙
上章	庚	柔兆	丙
重光	辛	強圉	丁

玄我壬 昭陽癸

十二支

困子 敦子 赤奮若丑 攝提格寅

單卯 執辰 大荒落巳

敦午 協未 涸申

作酉 閼戌 大淵獻亥

廉端父理問漢鏡銘云田民作鏡世未有位三

公考

潘轉卷題釣臺詩云蟬冠未必似羊裘出處當

時已熟籌但得諸公依日月不妨老子卧林

丘英雄陳跡千年在香火空山萬木秋絕咲

黃塵吹髮客愛來祠下繫扁舟

日休八識眼耳鼻舌身意 詩云兄弟八個一個

痴其中一個最踈蹊五個向外能經紀正留

一個看家計第八 浩：三歲不可窮淵深也

浪景為風愛 特種根身立去後先來作主

翁不動地邊才捨歲金剛道後果然空大圓

鏡智成無漏普照十方塵剎中

地水火風聚一區之假合生住異滅成四像之
遷移三緣和合而緣生為身為體五蘊滅謝
而入死惟識惟神

五不男天健如變半

五不女螺紋鼓角線

前淮浙發運司主管文字趙汝諫送姪婿張師
道赴召詩五絕句中云翔鸞威風兩同飛此
日關山是獨歸聞說京塵迷望眼後來誰為
洗征衣有一士慕佳人亦有詩云君王自愛

相如賦左右安知即墨賢此語太逼人劉雲
震祭酒題明皇擊梧圖云宮殿蕭森蔭碧梧
杖頭白雨趁花奴還留飛下漁陽鼓一曲霓
裳救得無

中原士夫出處

定齋先生李獻卿字欽正河東人

陳司業諫規字正叔稷山人明昌五年進士博
學能文詩亦有律度為人敦厚動有禮節南
渡以後諫官稱許古陳規而正叔不以訐直

自名之仕至右司諫卒官子良臣今在燕中
吏部高先生鳴字雄飛岢嵐人歷彰德路總管
召為翰林學士至元五年至御史遷吏部尚
書終于官

淄川先生楊弘道字叔能自號素菴默翁博學
無所不知而不為科舉計嘗以蔭仕于金蓮
亂南歸為唐州司戶北還終于鄉里有小亭
集十卷事言補一卷行于世

參政楊公諱果字正卿號西菴中山人金木王
鶚榜登科歷偃師蒲城縣辟陝州行臺初中
北渡後復居洛陽紫陽為課稅所官辟經歷
官秦河南經畧司事中統改元召為參知政
事告老除懷孟路總管以榮其歸致仕後葬
于鄉里

轉運田時秀字彥實易縣人大定十九年進士
仕至太原轉運使喜作詩為周德卿李之純
賞識感興云散木不材寧適用虛舟無意任
乘流百年身世視安國千古人情羨頌侯賦

古塔云締構百年人換世消沉千古為盤空
他類此彥實所居里名半十行第五以五月
五日生小字五兒二十五歲鄉府省御四試
皆中第五年五十五八月十五日卒造物之
戲人如此 如五月五日生者見共賦集考

太常卿石抹世勳字晉卿承安中進士終于禮
部尚書子嵩字企隆應奉翰林文字父子皆
死蔡州之難

張戶部德直字伯直平陽人叔祖邦彥字彥才

張榜登科以當川令致仕有松堂集父迪祿
字仲英明昌初進士歷岐山上黨二縣令卒
於省掾伯直貞祐三年進士釋褐新平簿辟
藍田令秩滿父老詣行臺留再任去之日為
立生祠移沔池通許召補省掾遷授等巡院
使終于同知武勝軍節度使事子城今居永
寧

介字介夫彭城人正大元年輕義第一人歷
鞏毅熟二縣令幼有賦毅為人有益藉嘗贈

詩人楊叔能末章云我貧自救如沃焦君來
過我亦何聊為君欲為貧士嘆才思殊減荒

村謡

楊初以荒村謡得名以此云

撒舉字彥舉陝人性嗜酒工于詩客京師十餘
年竟流落以死同時有鄭雲表者慕彥舉之
為人作詩挽之云形如槁木同詩苦眉鎖蒼
山得酒開人以為馮真云

道士申志貞字正之太原人嘗為道教提點住
京師長春宮時道士舊傳十七人坐與釋教

持論不勝落髮為僧者志貞其一也後終于

鄉里

寂通老人陳時可字秀玉燕人金翰林學士仕
國朝為燕京路課稅所官

紫邏几：道人楊鴻字飛卿一名雲鵬少梁人
北渡終于東平有洞然集行于世

虎岩先生趙著燕人終于編修官

南湖散人曹居一字通甫又號聽翁太原人金
末登進士第仕國朝為行臺員外郎

新軒先生張伯道字聖俞

紫陽先生楊奐字煥卿又名知章奉天人以明
經後進稱爲關西先生少年時自悟以前身
爲紫陽宮道士因自號國朝爲河南府課稅
所官有還山集行于世

廉菴題趙輔之樊川圖云一賦阿房萬古傳豈
知今有趙樊川謝公墩上王公住吳代風流
各自賢

高雄飛獨石詩云一塊蒼頑石顏然半水濱可

憐閭立本徒寫五湖真題杜莘老華山圖上
方可望不可到今日興來時卧遊須信丹青
有神化世間隨處是同州

內朝鹿莽先生王盤字文炳初名采齡字蕭客
永年人舉于徵君麻九疇金末以易經登科
北渡後爲東平學官一時名士皆出其門中
統初召爲真定宣撫使入拜翰林學士承旨
年八十餘致仕歸東平東宮命朝士祖錢仍
給半俸時人榮之今近九十尚無恙

仁甫趙先生後初被虜時有寄黃甫庭詩寄語
江南黃甫庭此行無慮隔平生眼前漫有千
行淡水自東流月自明又詩乘雲曾到玉皇
家彩筆雲牋賦落霞老去空山春寂寞自鋤
明月種梅花

庸齋先生薛玄字微之華陰人仕至河南府提
學有易解行于世

右中名公翰墨至元乙酉得於京師庚寅
裝于錢塘直以所得日月先後次序之不

敢妄有品第

京師名琴

耶律丞相春雷

金內府物名日承華殿春雷

玉振

雷珉重修

不出戶

石上流泉

寒玉

宋少監毅夫寒玉

吳興沈獮新張錢重修

焦仲良秋嘯

雷氏今歸天上

李子亨冠古韻磬

李陽冰篆

雲和

李勉新今歸天上

薛道錄金磬 張氏

鄭太鑿 雷霄新今在行臺太丞家

高彥敬金儒鳴玉

王安仁實腹琴

趙耶利新

商左山寒字號

開成元年西蜀郭諒崇寧四年

喬仲山家冰清

馬希先奉聖旨重修

人人情

陳也里參政黃龍至寶

百衲

吳越國王官百

衲雷威新朱漆書槽腹黑漆

張唐事子友家

張越琴

李士彥三足琴

雷氏新

濟南姜伯惠甫家刊子琴

唐天寶年雷威新外

南京劉介甫家三峽流泉

刻流泉內刻三峽流泉廷皆隸書

康廷臣玉潤鳴泉

唐氏貞

庶端父瓊響

唐曆年道士衛中正新崇寧年馬

希先重修

秋籟 全上

郭佑之御史霜鐘

前宋僧新

游平章子明家張鉞孫枝

王郎中聲滿天地 南方物

李德新天寶雷會

郭北山新製萬壑松 無款或來自中原製度在

雷五代間錢鏐家物

夏信之雷威琴

唐懿宗時新款云咸通四年新

秋八月處士雷威

雷氏嵩陽野史修琴細

馬德昌洞泉

南方物臣馬希先奉聖旨重修

張可與號鐘

古器

行臺右丞李公家

世母辛卣

山敦

牛敦

周盤夔卣

秘書郎喬仲山家

文王卣

正考父作文王

周鳳盃

周粟紋壺

王子慶家

商鼎

漢方壺

漢山龍壺

樊家

商父乙卣銘曰子

父己

商州師卣銘曰州師錫朋具用作父丁尊舉冊

商父辛彝銘曰彝

父辛

周伯吉父槃銘一百三十字

行臺李順甫索于

市家人折其足用為餅炒余見之乃以歸予

周鄒口鼎蓋銘十八字

漢鏡二 一尚方一八花透光

董碩石家

商百乳彝

商山尊銘

商舉鼎銘曰風

商鼎銘而

商觚

周鼎

吳和之家

商右伯盃

商饗饗鼎銘象形一字

周草憲家

商鳧尊

銅馬

羅和齋

周鳳尊銘一字眾

周百乳彝

商貫耳壺銘字作鳥形首有冠

楊中齋駙馬

周方鼎

周細文大羊鼎

周觚稜壺

舊藏余家

商小鼎一

劉耀卿

商筆

商子孫盃

商蛟篆壺銘一字

商郭

周司空甌

漢方壺 周大盃

閑邪先生

郭二

方圓二器未見

李又有李陽冰移三墳記字三寸許大字三百

有時宣和題籤後有墨本亦徽宗題冊子又

有李成樊川捕魚圖長三丈徽宗御題

書畫見聞

東坡云永禪師欲存王氏典型以為百家書祖

故舉用舊法非不能出新意求變態也然其

意已逸於繩墨之外矣 下歐虞恐非至論

若復疑其臨訪又下此論下矣

濟南楊浚周家藏閔中全函鎖寶建德國褚河

南書傳

張仲悅家藏謝尚餘寒帖 古完本瘞鶴銘

冀州趙弘道家威高宗御題淳化刻

濟南張可與家

顏魯公頓首夫人帖 唐撫右軍大周顛等帖

許渾烏絲闌 今體詩 五帖 懷素猛吟 余家

物僧弘元春集右軍書越州寺碑 歐陽詢

卜商等帖 韓文公書名告 魯公書名告

元微之和樂天雪韻 韓滉尺牘一卷山

谷跋 唐撫羲之固極三帖 吳生妙勝如

來惠崇巨軸 小景 巨然山水 李伯時陽關

圖 元章自寫真 皇象急就章甚佳 當

是第一本切記

霍治書清臣家

李北海縉雲帖 柳書李氏墓記 唐文皇手

詔好謙帖 蕭子良變體詩 唐人臨 魯公虎

脯帖 孫過庭千文 唐人摹蘭亭 日府善

本伯時孝經 着色敦熙二小幅 巨然山

水橫披 伯時拂林天馬 唐人仙山故實

周昉臨六朝人天官 韓幹圍人調馬圖

遠為木瓜花

喬仲山家

顏太師馬病帖

智永千文

宣和內府

高閑千

文余家物趙明誠家物

張旭承告帖

宣和

僧

夢閑白蓮詩

宣和

張長史帖章草王粲評詩

宣和南唐

智永筆力帖懷素臨

東坡書太

白詩

東坡小楷金剛經

全用鍾法

巨然秋

江晚渡

明昌

李思訓江山漁樂

南唐明昌

陸

瑾溪山風雨

明昌

郭忠恕飛仙故實

宣和博

軒題後博軒舍人此云宣和不知何故

董元

寒林

明昌內合同

貫休大阿羅漢

明昌

伯時

女孝經

明昌

衛賢高士圖

宣和

郭熙松石二

大幅

李成重巒秋晚

吳佺蕭翼賺蘭亭

圖

宣和

張符牧牛圖

明昌宣和博思東圖

張

畫鼓琴仕女圖

明和宣和

尉遲乙僧有餘善

薩

南麓跋

巨然歲寒圖

崔白讀碑 董元

烟嵐重溪

王齊翰行佛圖

王先寶繪太原

玩玩玉押

王齊翰觀音像

上同

王維維摩示

圖 皇和明昌唐思東間 韓況乳牛 唐思東間

黃華雪山鳥照 胡瓌蕃部卓歇 大觀宣和
唐思明昌

喬仲山云在都下時償賣人處有右軍書東方

畫讚爛處歐陽政宣杖附豈元章書史中所

載者即又卿廣文溪橋峻嶺圖唐張藻松石

微流圖 高宗題卷 李伯特陶弘景像 高宗題

李唐晉文公復國圖筆意奇古雖近代人實

有古人之風行書亦佳 傳古戲水龍 高宗

鎗窠戲藻魚 高宗 唐朱豨文殊像奇古 唐

人大悲像 元房禮 大羊墨雁 范寬雪峰蕭

寺 宋迪遠浦歸帆 王維秋山蕭寺

司徒用

逸鸞孔雀 易元吉獐 崔白荷花鴨子 董

元雪景二帖 董元廬山圖 閻全職貢獅

子圖 胡瓌啖鷹圖 喬仲山云原筆也 王詵

長江遠岫 韋偃松張希顏四時鳥先 盧

稜伽羅漢李成松石平遠 關仝大幅山水

韓泥歸牧圖 韓泥醉道士圖 郭熙山水

二幅 湯子昇鑄鏡圖 吳道玄火德真君

徐熙紅腳躑 郭履暉林雀 世宗群鹿

世宗馬 黃荃竹鷓圖 王端人物

郭北山御史

唐撫右軍重告等六帖 右軍快雪時晴圖

右軍承告帖 唐摹王弘帖 王氏寶章集

中物 唐撫蘭亭詩序 徐會稽寶林 楊景

度永吳帖詩 歐易車更道夫帖 右軍七

月五日青絹帖 胡季良臨右軍初家信帖

右軍送梨帖 陶弘景屈畫帖陳閔馬御

廐馬 宣和校附 孫過庭千文定武五字不損

本蘭亭叙 楊景度十九節帖 稽叔夜聽

兩帖 魯公江外帖 陸柬之蘭亭詩 唐

人節史歐易詢稽古稿 高閑九原帖 白

居易行元微之告 陶貞白書丹經 李邕

口味帖康告 東坡致語稿 山谷老將行

山谷稚穢帖 唐模右軍瞻近帖 晉王珣

伯遠帖 呂洞賓自寫真 李成二大幅

烈女箴 吳生生神 文竹 未見 米元暉楚

山清曉 韓滉克民擊壤

續見

東坡黃素上清儲祥宮碑 右軍此事帖白麻

紙上行草後一行然欲不可長非筆非臨前

人直以為真跡殆非過許上古印甚多吳可

辨一四寸許大印剪去八分略見御字尸如

此宣和明昌兩朝上望及用群玉中印秋壑

閨生及封字印徽宗筆：明金書簽奇物

王子慶

右軍篆鮪帖 畢瑊手狀 柳經 西域圖

伯時五馬圖 關仝早行圖 李成看碑圖

顧愷之初平起石為羊

吳門季宗元

魯公馬病帖 未見 謝安八月五日帖 楊景度

珊瑚帖 吳通微告 唐人文殊像 又七

居眠佛 唐大悲像

此書於弘治十五年龍集壬戌五月望日
在竹莊陸宗美先生第會飲約齋俞寬甫
帶於彼假歸錄得之但不曉因學齋何人
也當伺識者再行請問而知略識得之
歲月為是日錄完故識 東陽無垢道人

純謹識

嘉靖戊申五月既望汝南袁表命工徐堂
錄於陶齋

漁陽鮮于樞字伯幾所居有困學齋工行

草書聲價等趙文敏詩傳於世元音體要
中多載之比非難知者足徵前輩之模率
也

康熙壬戌五月樵李倦叟曹溶記

